

# 2022 йил – ИНСОН ҚАДРИНИ УЛУҒЛАШ ВА ФАОЛ МАҲАЛЛА ЙИЛИ

Gazeta 1917–yil 14-oktabrdan chiqq boshlagan ★ 2022-yil 11-yanvar, seshanba ★

# Farg'ona haqiqati

Bosh hamkor – Farg'ona viloyati hokimligi

<http://farhaqiqat.uz/>  
[t.me/farhaqiqati](https://t.me/farhaqiqati)

№ 4 (24601)



Жараён

Президентимиз белгилаб берган вазифалар моҳиятини англаган, зиммасидаги масъулиятни ҳис қилган ҳар бир раҳбар аҳоли билан яқин муносабатда бўлиб, кундалик ҳаёт тарзида мавжуд бўлган масалалар ечимига алоҳида эътибор қаратиб келаётгани ўз самарасини бермоқда.



## Огоҳлик

# ЭҲТИЁТ БЎЛИНГ, "ОМІСРОН"!

Коронавируснинг кириб келиши ва тарқалишининг олдини олиш бўйича чора-тадбирлар дастурини тайёрлаш бўйича республика махсус комиссиясининг навбатдаги йиғилишида мамлакатимизда коронавирус инфекцияси билан касалланиш ҳолатлари ортиб бораётгани, ушбу касалликка қарши зарур чоралар кўришни давом эттириш лозимлиги қайд этилди.

ЖССТ баёнотига кўра, коронавирус инфекциясининг янги "omicron" штамми дастлаб Африкада, кейинчалик Европа ва Осиё давлатларида аниқланган, секин-аста кенг тарқала бошлаган.

2021 йил декабрь ойидан бошлаб АҚШ, Дания, Корея Республикаси, Буюк Британия, Россия, Исроил, Франция, Япония, Ҳиндистон каби бир қатор давлатларда коронавируснинг янги штамми тарқалиб, эпидемиологик вазият кескинлашиб бораётганлиги муносабати билан бир қатор қўшимча карантин чекловлари жорий этилган. Афсуски, жорий йилнинг 7 январь куни мамлакатимизга келган хорижий давлат фуқаросидан COVID-19нинг "omicron" штамми аниқланди.

Махсус комиссия йиғилишида коронавирус пандемиясига қарши чоралар кўришни қатъий давом эттириш масаласи атрофида муҳокама қилинди. Хусусан, Республика махсус комиссиясининг қарори билан **жамоат жойларида ниқоб тақиш, ижтимоий масофани сақлаш, шахсий гигиена қоидаларига қатъий риоя этиш устидан назорат кучайтирилмоқда. Бунда барча ташкилот, корхона ва муассасаларда, йиррик савдо мажмуалари, супермаркетлар, кўнгилчор муассасаларнинг кириш қисмида ниқобда бўлиш, ижтимоий масофани сақлаш, тана ҳароратини ўлчаш амалиётига қатъий**

риоя этилиши таъминланади. Шунингдек, аҳолини тўлиқ эмлаш ва бустер доза билан эмлаш ишлари жадаллаштирилади.

Кеча Аxbорот ва оммавий коммуникациялар агентлигида Соғлиқни сақлаш вазирлиги, Санитария-эпидемиологик осойишталик ва жамоат саломатлиги хизмати мутасаддилари ҳамда вазирлик қошидаги Коронавирусга қарши курашиш штаби аъзолари иштирокида юртимиздаги коронавирус билан боғлиқ мавжуд эпидемиологик ҳолат юзасидан ташкил этилган матбуот анжуманида ҳам таъкидландики, инфекция асосан ҳаво-томчи йўли орқали юқади. Яъни, одамларнинг гажжум қилиниши, масофани сақламастик, бир бинода ўқиб-ишлаш касаллик тарқалишини тезлаштиради. Эътиборлиси, қариялар, сурункали ва ёндош касаллиги борлар, болалар, эмланмаган кишиларда коронавирус асоратлари оғир кечади.

Инфекцион касалликларнинг олдини олиш учун олий ва ўрта махсус таълим муассасалари, умумтаълим мактабларида таътил даври 24 январьгача узайтирилди. Вазирлар Маҳкамаси ҳузуридаги Таълим сифатини назорат қилиш давлат инспекцияси томонидан нодавлат таълим ташкилотларида ҳам киши таътил муддатини 24 январьга қадар узайтириш мақсадга мувофиқлиги таъкидланди. Ўқувчилар ва талабалар-

нинг тўғарақлар, машғулотларга жалб этилиши таъкидланди. Бу орқали ўқувчи ёшлар ўртасида касаллик тарқалишининг олдини олиш кўзланган.

Эндиликда **ташкилий шаклдан қатъи назар, барча ташкилотларда ишчиларни эмлангандан сўнг иш жойларига киритишга рухсат берилади, олий ва ўрта махсус таълим муассасалари талабалари ўртасида таътил даврида коронавирус инфекциясига қарши тўлиқ эмлаш чоралари кўрилади. Ушбу тадбирларга корхона-ташкилотлар ва таълим муассасалари раҳбарлари шахсан масъул этиб белгиланди.**

Вазирлик, идоралар ва бошқа давлат ташкилотлари ҳамда хўжалик бирлашмаларида мамлакатда амал қилётган карантин чекловлари шартотида аҳоли саломатлигини таъминлаш, мамлакатимизда эпидемиологик вазият барқарорлигини сақлаш мақсадларини кўзда тутиб, турли оммавий тадбирлар ташкил этиш таъкидланди.

Шу ўринда **ЭНГ Тўғри ва Оқилона йўл – Коронавирусга қарши эмланиш** эканлигини, юрtdошларимиз тизроқ тўлиқ вакцинация қабул қилишлари зарурлигини таъкидламоқчимиз. Зеро, саломатлик – улўғ неъмат, хўшёрлик – бугунги кун талабидир.

Ҳаётжон БОЙБОБОВ.

## Халқ манфаати ҲАР НАРСАДАН УСТУН

Фурқат тумани, "Чиркай" маҳалла фуқаролар йиғинида Ички ишлар вазири ўринбосари – Жамоат хавфсизлиги департаменти бошлиғи Бекмурод Абдуллаев, вилоят ҳокимининг тўрт нафар ўринбосарлари иштирокида оммавий сайёр қабул ўтказилди.

Унда Кўкон шахри, Фурқат, Бешариқ, Данғара ва Ўзбекистон туманларида умргузаронлик қилаётган фуқароларнинг турли масалалардаги 200 дан зиёд муражаатлари кўриб чиқилди. Мулоқот жараёнида муражаатларнинг асосий қисми ижобий ҳал этилди, баъзи муражаатлар бўйича маъсул идоралари мутасаддиларига ўрганиб чиқиш ва белгиланган муддатларда ҳал этиш юзасидан топшириқлар берилиб, ижроси назоратга олинди. Қонуний жиҳатдан қаноатлантириш имконияти бўлмаган масалалар бўйича ҳуқуқий тушунчалар берилди.

Шу кунги тадбиркорлик фаолиятини бошлаш истиғида бўлган 27 фуқарога тикув машинаси, 17 нафарига пишириқ печлари берилди.

Ногиронлик аравачаси, эшитиш мосламаси, ҳасса, қўлтиқтаёқ каби реабилитация воситаларига муҳтож бўлган 25 нафар муражаатчи талаби қондирилди. "Ҳар бир оила – тадбиркор" дастури доирасида 33 нафар фуқарога кредит ажратилди. Сайёр қабул даврида аҳоли учун арзонлаштирилган қишлоқ хўжалиги махсулотлари савдо ярмаркаси ташкил этилди.

"Наво" тантаналар мажмуасида Фурқат ва Данғара туманида истикомат қилаётган, "Темир дафтар"га киритилган фуқароларнинг 20 нафар фарзандлари учун хатна тўйи ўтказилди.

Хайрли тадбир болажонлар ва уларнинг яқинларига бир олам қувонч улашди.

Тантананада сўзга чиққанлар Ўртабшшимиз ташаббуси билан инсон қадрини улўлаш, манфаатларини ҳимоя қилиш, борасида амалга оширилаётган ислохотлар, хайр-саховат, эзгу ташаббуслар кўлами кундан-кунга ортиб бораётганлигини таъкидлашди. Яхшилар меҳр-муҳаббатини ҳис қилиб улўлайган болажонлар келгусида ҳар жиҳатдан етук, фидойи инсонлар бўлиб камолга етишларига ишонч билдиришди.

Тўйболаларнинг ҳар бирига давлат идоралари ва ҳомийлар томонидан сарпо, ўйинчоқ ва велосипедлар тўхфа қилинди.

"Чиркай" МФЙда кекса-ю ёшни бирлаштирган маданий-маърифий ва спорт баҳслар оммавий байрамга айланиб кетди. Ҳарбий ватанпарварлик ойлиги доирасида турли кўргазмали чиқишлар ташкил этилди. Ёш йигит-қизлар ўртасидаги кураш, арқон тортиш, тош кўтариш, стол теннис бўйича ташкил этилган спорт беллашувлари муросисиз курашларга бой бўлди. Дорбоз ва полвонлар иштирокида спорт ўйинлари намойиш этилди. Ёшлар учун бизнес тренинг, компьютер саводдонлиги бўйича ўқувлар ташкил этилди, китоб ярмарка савдоси ўтказилди.

Болалар мусика ва санъат мактабида севимли эртак қаҳрамонлари иштирокида байрам томошалари ташкил этилди, маҳалла ақли чуқурлаштирилган тиббий кўриқдан ўтказилди.

Расулжон КАМОЛОВ.

## ДЕРАЗА ОРТИДАГИ ИККИ МАНЗАРА



Қозғистоннинг қатор вилоятларида содир бўлган фожиали воқеалар оқибатида жами 164 киши ҳалок бўлгани муносабати билан Қозғистон Республикаси Президенти Қасим-Жомарт Тоқаев 2022 йил 10 январни умуммиллий мотам куни деб эълон қилди. Айтмоққа осон бўлган бу рақамлар ортида юзлаб, минглаб оилаларда мотам, қалбларда оғриқ, надомат.

Тинчлик Аллоҳ таоло томонидан бутун инсониятга инъом этилган улўғ неъмат эканини афсуски негадир шундай муҳиш воқеалар сабаб чуқурроқ англаймиз. Ахир, ён-атрофимизга сергак ниғош ташласак, бу улўғ неъматдан ҳамма ҳам баробар баҳраманд эмаслигини кўраимиз-ку!

Ғофиллик ва бепарволик – турли но-хушлиқларга замин яратувчи, барқарор тинчлик ва фаровонликни издан чиқарувчи энг катта қусуримиз. Аллоҳ таоло тафаккур қилмайдиган, ўзининг ким эканини англаб етмайдиган, бугуннинг хузур-халовати билан яшаб, эртаси ҳақида кайғурмайдиган бепарво ва бегам кимсаларни "Аъроф" сурасининг 179-оятда "Жаханнам учун жинлар ва инсонларнинг кўпчилигини яратганмиз. Уларда қалблар бор, (лекин) улар билан "англамайдилар". Уларда кўзлар бор, (лекин) улар билан "кўрмайдилар". Уларда қўлоқлар бор, (лекин) улар билан "эшитмайдилар". Ана ўшалар ҳайвонлар қабиридлар. Балки,

улар (янада) адашганроқдирлар. Айнан ўшалар ғофиллардир", деб таърифлайди.

Набий соллаллоҳу алайҳи васалламдан биз бани Одам авлодлари учун ҳидоятга бошловчи, фитнес, уруш ва ёмонликлардан қайтарувчи хадислар, гўзал ўрнатқамда саодат ва тинчликка элтувчи "йўриқнома" мавжуд. Хусусан, "Мусулмон – мусулмонлар унинг тилидан ва қўлидан саломат бўлган одамдир", "Бир-бирингизнинг қонингиз ва обрўйингизни тўкишингиз, мол-мулкнингизга тажовуз қилишингиз барчаларингизга ҳаромдир" (Имом Муслим ривояти), "Ҳеч ким бирдорига қурол қўлталмасин, чунки шайтон васваса қилиб жаханнам сари етаклаётганини билмай қолиши мумкин" ёки "Мен вафот этганимдан сўнг бир-бирларингизнинг бўғзингизга тиф урадиган кофир бўлиб кетманглар" (Имом Бухорий ривояти) деб марҳамат қилганлар.

Аллоҳ таоло бандаларини урушга чақирмаган, ақсинча, ўзаро иттифоқликда, аҳилликда, сулҳи салохда, тинчлик-омонликда яшашга даъват этган. Самовий китобларнинг бирортаси урушни тарғиб қилмаган, биль-акс, тинчликни, омонлик ва сулҳни талаб қилган. Қуръони карим уруш чиқариш йўлидаги фитнани қотилиқдан ҳам ёмон жиноят ҳисоблаган. Динларнинг бирортаси зулмни, қотилиқни, хунрезликни, одам ўлдиришни ёқламаган,

ақсинча, меҳр-оқибатли, сулҳпарвар, инсонпарвар, раҳм-шавақатли бўлишга чорлаган.

Демак, халқлар, миллатларнинг турлилиги урушиш, жанжаллашиш учун эмас, балки бир-бирлари билан танишиш, бир замин устида аҳил-иноқ яшашлари учундир. Бинобарин, бир ота ва бир онадан тарқалган инсониятнинг бир-бири билан Аллоҳ таъкидлаган ишлар туфайли урушиб-талашиб юриши Ислом динига хилофдир.

Аслида тинчлик иши на миллат, на дин танлайди. Ҳар йили халқларнинг бирдамлиги, мамлакатлар тинчлиги учун улкан ҳисса қўшган шахслар, ташкилотларга тинчлик бўйича Нобель мукофотининг тақдим этилиши мисолида бу ҳақиқатга юзлашимиз мумкин.

Биз деразамиз ортида куёшининг боши, оппоқ қору ёғиннинг ёғиши, даряхту гулларнинг очилиши каби гўзал манзараларни энтиқиб кўраётган паллада, дунёнинг бошқа бир еридаги инсонлар деразасида урушдан вайронга айланган юрти, қурол минаяр оқибатида қоп-қорайган осмони, уюм-уюм беғуноҳ инсонлар жасадига тикилиб турганини унутмасак қифоя.

Ахир, кўнгил хотиржамлиги, яқинлар саломатлиги, энг муҳими, яшаб турган заминнинг тинчлигига етадиган бахт борми?!

Севара АЛИЖОНОВА.





